



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1682. usque ad annum 1690

Fleury, Claude

August. Vind. [u.a.], 1781

VD18 90119231

§. 55. Jacobus Walliæ Princeps recens natus.

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

Sæc. XVII. que a pristina sententia se neutiquam
A. C. 1688. recessuros, præfracte declararent, ex
 octodecim Senatorum sententia in Londi-
 nensem Turrim abducebantur, ubi tamen
 non modo populus turmatim confluens,
 sed ipsi etiam præsidarii milites a captis
 hisce Pseudo-Episcopis genuflexi benedi-
 ctionem elata voce petebant, eosque vel-
 ut Martyres honorabant: die etiam vi-
 vigesima nona ejusdem Mensis hi
 Præsules e custodia dimissi sunt, non
 sine maxima Regis indignatione.
 Tantum in fanaticos habet imperium
 falsa etiam Religio.

§. LV.

*Carolus Walliæ Princeps recens
 natus.*

Salmon hist.
d' Angl. hist.
de Jac. II.
Rapin, l. c.

Die decima Junii natus erat Jacobo
 Angliæ Regi ex uxore Regina Ma-
 ria Eleonora Estensi, quam annis se-
 ptem sterilem habuerat, Filius primo-
 genitus, quem Jacobi Eduardi nomine,
 & Walliæ Principis titulo insignitum
 voluit. Biduo post Regius Princeps
 Sacro fonte abluebatur, Patrinos a-
 gentibus Romano Pontifice, Mutinensi
 Duce, & Regina Vidua. Festivus cam-
 panarum, tormentorumque strepitus
 ingentem lætitiâ inde conceptam te-
 stabatur, suas quoque gratulationes
 adde-

addebant Londinensis Magistratus, Au- Sæc. XVII.
 riaci Principis, ejusque Conjugis no- A. C. 1688.
 mine Legatus Zuylensteinus, Geor-
 gius Daniæ Rex, suaque Uxor, plu-
 resque alii: Incredibili præprimis gau-
 dio efferebantur Catholici, spe freti,
 Jacobo Regi Catholico successurum Fi-
 lium Catholicum: ob id ipsum vero tam
 impotenti iracundia efferebantur conju-
 rati Calvinistæ, ut sui, quod diu medita-
 bantur, consilii executionem maturare,
 totis viribus ad laborarent: Patrem,
 simulque Filium perdere, ipsis fixum,
 ratumque erat: omnes igitur fraudum
 fontes exhauriendi, nullis artibus, men-
 daciis & calumniis parcendum, folio
 deturbandus Rex, quia Catholicus ac
 propterea ad regimen inhabilis, atque
 indignus: ejus hæres vix natus, nata-
 lium honore, omnique successionis
 spe deiciendus: Quid non fanaticus
 sectæ Zelus, novandarum rerum pru-
 ritus ac rebellandi consuetudo inspirat?
 Execrabantur Calvinistæ Jacobum Re-
 gem, eo quod religione Catholicus Cal-
 vini sectam sensim exterminare crede-
 retur, eo autem mortuo eandem per
 Auriacum Principem Calvinianum pri-
 stino vigori restitutum iri, adhuc dum
 sperabant, nunc autem, nato hærede
 absdubio in religione Catholica edu-
 cando,

Sæc. XVII. A. C. 1688. cando, Auriacum Principem ad Angliæ sceptrum, detruso Jacobo Patre, evocandum suadebant: cum autem Auriaco successionis jus solo eo nomine competere posset, quia ejus uxor Jacobi Regis Filia esset, timendum censebant, ne Anglorum potissimi recens nato Principi, utpote proximiori hæredi potius, quam Regis Filix Regnum asserendum propugnarent: Ut igitur utrique huic nodo cuneum quaererent, detestando prorsus ac infernali consilio Walliæ Principem tanquam supposititium infantem diffamare simulque Auriacum e Belgio ad expellendum Jacobum Regem evocare decreverunt. Jam autem huic commento prorsus levissimo, ac honesta Natione indigno præluserant conjurati; quamprimum enim ineunte hoc anno Regnam uterum gestare promulgatum fuerat, fraudem subesse ac Regnam nequaquam esse gravidam in vulgus sparsere, non alia persuasi ratione, nisi quia per plures annos Regina nullas suscepisset proles, postquam vero eam vere gravidam esse compertum erat, Calvinistæ ad mendacia ingeniosi sparsos per urbem rumore jactabant, Regnam die nona Aprilis foetum abortivum edidisse; cum autem illa die decima Junii etiam Filium præsentibus Regina

Vi.

Vidua, quinque Nobilibus Matronis, Sæc. XVII. A.C. 1688.
 obstetrice, & octodecim Proceribus in
 proximo cubiculo præstolantibus, enixa
 esset, hunc nonnisi Matri suæ supposito
 fuisse calumniabantur, imo Burnet
 præter abortivum fœtum die decima
 Junii primum, eo autem ipsa hac
 die mortuo secundum pariter Richemund
 post aliquot septimanas defunctum,
 ac denique tertium scilicet Jacobum
 Eduardum fuisse suppositum comminiscitur:
 Adeo sibi non constat mendax hæc
 fabula, ut eam refellere supervacaneum
 foret, atque ipsimet Protestantibus
 Angli atrocissimam hanc calumniam
 ideo duntaxat ut veram credere
 simulabant, quia eorum proposito,
 & honestandæ rebellionis tum
 deserviebat.

§. LVI.

*Auriacus Princeps a conjuratis ad
 cessandum Regnum evocatus.*

Attamen conjurati Calvinistæ sui propositi
 metam nondum plene attigisse censebant
 per hoc turpissimum commentum, quo sine
 omni veritatis fuce per summam injuriam,
 calumniamque atrocissimam Jacobum Walliæ
 Principem illegitimo thoro fuisse pro
 genitum, proin successionis hæredita-

*Mem. de la dern. Re-
 vol. p. 281.
 Carol. mem.
 lib. 9.*